

ZAPISNIK

sa 18. sjednice Upravnog odbora
Skijaškog/Smučarskog saveza Bosne i Hercegovine, održane 11.05.2017. godine u 18.30 sati
u prostorijama Ski saveza BiH u Sarajevu

Prisutni: Đelal Hasečić, Miro Đukić, Mario Laikert, Zdravko Lasica, Milovan Jevtović, Ismar Biogradlić, Jasmin Mehić, Radenko Pekić i Muris Pozderac članovi Upravnog odbora, Jelena Dojčinović Generalni sekretar.

Odsutni: Kenan Jažić i Vladimir Lučić

Đelal Hasečić je otvorio sjednicu i predložio dnevni red.

DNEVNI RED:

1. Usvajanje zapisnika sa 17. sjednice Upravnog odbora;
2. Realizacija zaključaka sa 17. sjednice Upravnog odbora;
3. Manifestacija „Proglašenje najboljih“
4. Redovna Skupština Saveza
5. Izvještaji komisija
6. Izvještaj rada Saveza
7. Finansijski izvještaj
8. Izvještaj Nadzornog odbora
9. Planovi i programi
10. Tematske sjednice
11. Razno

Jelena Dojčinović je tražila dopunu dnevnog reda s obzirom da je član Snowboard komisije Nemanja Cicović danas dostavio izdvojeno mišljenje. Izdvojeno mišljenje je na zahtjev dostavljača uvršteno prije izvještaja Snowboard komisije.

Đelal Hasečić je rekao da imamo i tačku raspisivanja konkursa za trenera reprezentacije u alpskom skijanju pa je predložio kao dopunu dnevnog reda prije tačke razno. Provođenje aktivnosti za izbor trenera.

Jasmin Mehić je predložio i tačku dnevnog reda priprema sportista za nastup na EYOF 2019. Dojčinović je rekla da je tačka uvrštena pod razno, te su se sviprisutni složili da će se ista razmatrati pod razno ukoliko bude vremena.

Jednoglasno su usvojene dopune dnevnog reda a zatim i predloženi dnevni red.

Ad. 1.

Zapisnik sa 17. sjednice je jednoglasno usvojen.

Ad.2.

Realizacija zaključaka sa 17. sjednice UO:

- Hasečić je predložio da se zaključci ne čitaju redom, ali je dodao da je predata dokumentacija advokatu za doziranje dužbe prema Minisarstvu pravde BiH a vezano za registraciju Saveza.
- Mario Laikert je postavio pitanje da li je dostavljena dokumentacija od Marka Rudić da je povrijeđen na što je Dojčinović dala pozitivan odgovor.
- Drugih komentara po pitanju realizacije zaključaka sa 17. sjednice UO nije bilo.

Ad. 3.

Uvodnu riječ dala je Dojčinović upoznavši prisutne o prethodnim prijedlozima da se sama Manifestacija odvoji od održavanja Skupštine kako bi se dobilo na značaju same manifestacije proglašenja najboljih. Dojčinović je predložila dva datuma za održavanje manifestacije i to: 18. ili 22. Maj 2017. godine u Olimpijskom muzeju BiH kao što je i do sada bio slučaj. Također je predložila da se pehari dodjeljuju prvim mjestima, dok drugoplasiranim i trećeplasiranim dodjelimo diplome. Ne bi se dodjeljivalo po posebnim disciplinama već po sportovima i po spolu, te naravno dodjeljivanje pehara najboljim klubovima.

Hasečić je pitao šta je sa dodjeljivanjem plaketa najzaslužnijim osobama u razvoju ski sporta. Dojčinović je rekla da ima spreman prijedlog pravilnika te da će ga dostaviti u jutarnjim satima. Hasečić je rekao da bolje da ne žurimo sa tim, ali da se za iduću sjednicu pripreme jasni kriteriji za dodjeljivanje plaketa odnosno priznanja kao verifikaciju rada najzaslužnijim ljudima.

Hasečić je predložio da se spremi jasan dokument za iduću sjednicu UO sa prijedlogom spiska ljudi.

Jasmin Mehić je rekao da imamo puno bitnijih stvari o kojima trebamo odlučivati od zasluga kao npr. problem sa trenerima.

Jednoglasno je zaključeno da se za iduću sjednicu pripremi dokument o dodjeljivanju priznanja najzaslužnijim.

Jednoglasno je zaključeno da se manifestacija održavanja najboljih održi 22. maja 2017. godine sa početkom u 18:00 sati u prostorijama Olimpijskog muzeja BiH i to za dvije sezone 2015/2016 i 2016/2017.

Ad. 4.

Uvodnu riječ je dala Dojčinović sa prijedlogom da se Skupština održi 01.06.2017. godine. S obzirom da većina članova UO ne bi bila prisutna na taj datum predložen je novi termin 08.06.2017. godine. Dojčinović je rekla da će obavjestiti predsjednicu Skupštine gospođu Miru Kablar o terminu i previđenim dnevnim redom a to su izvještaji za proteklu sezonu i planovi i programi za iduću sezonu.

Jednoglasno je usvojeno da se Skupština sazove 08.06.2017. godine sa početkom u 18:00 sati u prostorijama Olimpijskog muzeja BiH.

Dojčinović je tražila odobrenje da se materijali šalju e-mailom po prijedlogu Šišić Senada sa prethodne Skupštine.

Jednoglasno je usvojeno da se materijali šalju e-mailom a da se po potrebi pojedincima dostave poštom i da se isprinatju materijali kome to bude neophodno.

Ad.5.

Hasečić je predložio da se tačka 5. i 6. zamjene pa da se prvo raspravlja o izvještaju rada Saveza a potom o izvještajima komisija, te je otvorio raspravu po pitanju Izvještaja rada Saveza.

Dojčinović je rekla da sve navedeno se desilo pa eventualno pozvala članove da daju prijedlog o nekim dopunama ili eventualno izbacivanjem pojedinog materijala.

Hasečić je rekao da izvještaj tehnički treba doraditi i izbaciti posljednju rečenicu iz zaključka da smo zadovoljni radom stručnih tijela i komisija. Zdravko Lasic aje podržao prijedlog Hasečića jer smo imali dosta problema sa radom komisija.

Ad. 6.

Izvještaji komisija:

Biatlon komisija

Dojčinović je naglasila da pregled finansija u izvještaju nije u redu jer se ne poklapa sa pravdanim nalogima pa je to potrebno ispraviti, odnosno potrebno je usaglasiti sa komisijom.

Đukić je rekao da ne može u izvještaju pisati da će se finansijski izvještaj za svejestko prvenstvo nakandn dostaviti.

Dojčinović je predložila da finansije u ovom dijelu izvještaja ne treba da stoji jer se svakako pravi finansijski izvještaj. Jednoglasno je prihvaćeno da finansije ne stoje u izvještajima komisija.

Nakon kraće rasprave izvještaj je usvojen sa 8 glasova za i jednim suzdržanim glasom. Suzdržan je bio Zdravko Lasica jer ne želi kao koordinator za biatlon da odgovara pred Skupštinom za povećanu potrošnju biatlona a odakle su proizašli veoma loši rezultati.

Alpska komisija

Dojčinović je upoznala prisutne da je izvještaj iz tri dijela ali da će se objedniti na kraju. Razlog je tri različita segmenta: raad komisije, dječija reprezentacija, izvještaj rada reprezentacije.

Dojčinović je također rekla da ima par grešaka kod navođena FIS takmičenja pa nisu sva nabrojana, što će se ispraviti.

Muris Pozderac je imao kritiku na dio izvještaja gdje se navodi da se takmičenja iz kalendara kupa BiH nisu održala prema pravilima odnosno prema zadanim visinskim rzalozima i broju vožnji u kategoriji U 16. Postavio je pitanje ko je mogao odobriti da se takve trke održe. Dojčinović je rekla da se može u kategoriji U 16 takmičenje održati u jednoj vožnji i da su sve trke bile održane prema pravilima, te da navedena rečenica nije jasno napisana. Ono što se htjelo ovim reći je da treba održavati trke za U 16 u dvije vožnje kako bi se nivo takmičenja dizao na što veći nivo, te ukoliko je potrebno i da se razdvoje takmičenja za mlađe i starije kategorije. Kada su u pitanju visinske razlike onda iako se dešavalo da su manje nego propisane to se dešavalo iz razloga spašavanje održavanja takmičenja uslijed vremenskih neprilika ili nestašice snijega.

Jasmin Mehić je rekao da su TD potvrdili svaku trku i da je ova sezona bila dobra jer se uvela i kategorija U 8 što je bio dobar potez jer smo omasovili skijanje.

Također je naglasio da treba dobro razmisliti o organizaciji Kupa BiH i razdvajanju takmičenja ali da su to slatke muke koje ćemo rješavati u budućnosti. Također treba razmisliti i o bodovanju kategorije U 8 ali da je to također tema za tematsku sjednicu, i da pravilnikom treba predvidjeti da se kategorija U 8 može registrovati i zvan roka s obzirom da ima dosta djece koja u januaru završe školu skijanja a prema ocjeni kluba mogu nastupiti na takmičenju da im se da ta mogućnost. Jasmin Mehić je rekao da je rad dječije reprezentacije dosta u redu samo što se moglo otići na još neka takmičenja ali da je razumljivo jer se dosta toga poklopilo. Njegov prijedlog je da alpska komisija za iduću sezonu odredi A, B i C dječiji tim i napravi raspored odlazaka ovih timova po takmičenjima. Kada su u pitanju kriteriji za dječiju reprezentaciju naglasio je da sa donošenjem kriterija dosta dobro bilo ove sezone, ali da se može još raditi na pravilniku kako bi se izbjele određene situacije. Također treba biti tema sljedećih sastanaka i takmičare sa državljanstvom BiH a koji ne žive u BiH i ne učestvuju u kalendaru kupa BiH.

Kada je u pitanju juniorski tim Mehić je naglasio da su se tu izdvojila dva tri takmičara, ali i da će se dati prijedlog da se sačuvaju i drugi juniori koji nisu postigli 80 FIS bodova kao što su Selak, Tadić i da ih svakako treba sačuvati.

Kod Seniorske reprezentacije bilo je dosta rasprava i tenzija tokom čitave sezone ali to je i opravdano s obzirom da se dosta dobro radilo i da su odlični rezultati postignuti. Generalno je izvještaj veoma dobar gdje su obuhvaćeni svi takmičari.

Mehić je naglasio i da je potrebno rješavati problem trenera odakle su poticali problemi tokom sezone. Neophodno je da se mjenja način rada alpske reprezentacije i da nije moguće da jedan

trener obuhvata i seniore i juniore i djevojke i muškarce. Ove sezone je bilo dosta propusta ove sezone kada je to u pitanju ali je ponovo naglasio da je ovo bil ajedna od najboljih sezona i da to svakako trebamo uzeti u obzir.

Sljedeći za riječ se javio Radenko Pekić kazavši da je Mehić dosta dobro govorio o izvještajima i protekloj sezoni. Pekić je pohvalio rad trenera koji su itekako zaslužni za navedene rezultate kao i rad alpske komisije koja je pripremila sveobuhvatne materijale uprkos činjenici da je rad komisije imao dosta kritika.

Pekić je rekao da smo imali veću masovnost na takmičenjima što je veoma dobro. Ono što nije bilo pozitivno je komunikacija sa ski centrima i da je neophodno da se odrđže sastanci sa istima kako bi se pokušalo doći do bolje saradnje. Posebno je naglasio da mi treba da se izborimo za jedan ozbiljan poligon ili na Bjelašnici ili na Jahorini gdje će takmičari moći trenirati i slalom i veleslalom, ali koji će biti dovoljno dug da se trenira na broju kapija kakav je uglavnom i u inostranstvu na takmičenjima.

Također je govorio o tome da trener mora da ima uvid u takmičara svih 12 mjeseci a ne samo u sezoni. Vrlo je bitno da rješimo problem trenera jer nam je potreban veći broj trenera kako bi podigli nivo našeg sporta. Moramo da razgovaramo o uzrocima i problemima. Naravno za sve to su nam potrebna finansijska sredstva. Također moramo da povedemo računa o predstavnicima na EYOF-u 2019 kako bi se naši takmičari što bolje pripremili za navedeno takmičenje.

Nakon konkretnih prijedloga Mehića i Pekića, Hasečić je predložio da se na Skupštini posebno naglasi rezultat u alpskom skijanju ali i u drugim sportovima. Druga stvar je da se sva tri izvještaja uvežu u jedan, da se izbacе finansiје iz izvještaja jer su već navedeni u finansijskom izvještaju. Nakon predloženih zaključaka za izmjene jednoglasno je usvojen izvještaj alpske komisije.

Komisija za ski trčanje

Dojčinović je rekla da izvještaj nije kompletiran i da je danas dostavljen dopunjeni izvještaj gdje je ubačena analiza muške reprezentacije. Potrebno je samo još da se dostavi rangiranje takmičara i klubova što će predsjednik komisije dostaviti u naredna dva dana.

Zdravko Lasica je rekao da nije u redu što nema izvještaja trenera već da je analiza i postignuti rezultati stav komisije. Alpska komisija je to vrlo dobro uradila. Iako alpsko skijanje ima trenera plaćenog ne može se reći i da treneri u ski trčanju a i u biatlonu nisu treneri plaćeni pa je relano očekivati i da trener da izvještaj o takmičarima sa kojima je boravio u toku sezone. Lasica je na kraju rekao da je ski trčanje imalo jako dobre rezultate šta više imponantni i da svi trebamo biti zadoovljni postignutim rezultatima.

Milovan Jevtović je također rekao da su rezultati jako dobri, da pored Plakalović Maldena i Tanje Karišik vrlo dobre rezultate i napredak su pokazali i Dajana Košarac, Stefan Lopatić kao i Strahinja Erić koji je nastupao na EYOF-u 2019. godine.

Miro Đukić je rekao da ski trčanje zaslužuje da se dodatno pohvali jer smatra da su napravljeni odlični rezultati pogotovo kada vidimo da su u pitanju dosta mladi takmičari.

Predloženo je da se izvještaj dopuni sa rangiranjem takmičara i klubova kao i da ako bude vremena da treneri daju svoj izvještaj.

Jednoglasno je usvojen izvještaj sa predloženim dopunama.

Snowboard komisija

Ismar Biogradlić je kratko upoznao prisutne o protekloj sezoni gdje je posebno naglasio da su takmičenja uglavnom bila u regiji najviše Srbija dok su ostala takmičenja u Sloveniji, Hrvatskoj otkazana zbog nemogućnosti pravljenja poligona. Izdvojio je rezultate Edisa Ozturka 8. i 10. mjesto na Evropa Kupu. Također su održana takmičenja i to Evropa kup i Državno prvenstvo. Nemanja Cicović i Stefan Lazarević su na početku sezone odlučili da se oprobaju u novoj disciplini Snowboardcrossu za što je dobio i određena finansijska sredstva. Zatim je želio da ide i na jedno i drugo pa je Stefan Lazarević po pozivima Ismara Biogradlića uz mnogobrojne razloge

odbijao da ide na discipline Freestyle. Također niko iz SNB Jahorina nije učestvovao na Državnom prvenstvu jer je Nemanja dao primjedbu da se održava u radni dan. Drugi termin nije bio moguć s obzirom da je poligon bio spreman još od evropa kupa a da je išla loša prognoza.

Što se tiče izdvojenog mišljenja koji je poslao Nemanja Cicović to je jedan od razloga zašto se nisu dogovorili i oko finansijskog plana za narednu godinu te da je u istom Ismar optužen za primanje novca od takmičara što je neistina i da se čak šta više troškovi uplaćuju na račun Ski kluba Rijeke sa kojima se i pripremaju naši takmičari i provode na snijegu. Također je optužen da se po porodičnoj liniji ide na glečere o čemu nije želio da puno komentariše. Ismar je dodao da je i Jelena Dojčinović bila prisutna na svim sastancima komisije što je veoma dobro da je i ona upoznata sa radom komisije. Ismar je na kraju rekao da ukoliko je do njega nešto i ako neko smatra da on ne radi dobro spreman je da se povuče sa svih funkcija.

Nakon uvodnih riječi Ismara javio se Zdravko Lasica sa pitanjem koje sve funkcije obavlja Ismar Biogradlić u snowboardu. Ismar je rekao da je trener reprezentacije, član komisije, član UO. Lasica smatra da je Ismar u sukobu interesa. Dojčinović je rekla da Ismar nije jedini koji je u ovakvoj poziciji te da imamo još članova koji obavljaju i funkcije člana komisije, člana UO, kao i Kenan Jažić. Hasečić je rekao da je takva situacija jer nemamo ljudi koji bi se prihvatili ovakvog posla te da to još uvijek trebamo prihvatiti.

Lasica je naglasio da mu veoma smeta u izdvojenom mišljenju navod da snowboard nema podršku od Saveza jer ako i od koga ima to je od Saveza.

Jasmin Mehić je rekao da je potrebno razrješiti u budućnosti ovakve situacije kao što su sukobi interesa ali i to da je pitanje da li sport može doživjeti razvoj ako nemamo dovoljno ljudi tj. ako imamo jednu ili dvije odobre koje se bave tim sportom. Jasmin je rekao da je potrebno pokušati pronaći još ljudi koje treba uključiti u snowboard ali i da treba raditi na masovnosti takmičara.

Radenko Pekić je podržao sve što je rekao Jasmin Mehić, te postavio pitanje kako funkcionise snowboard da li imaju trenera.

Ismar je rekao da postoji Seniorski tim koji se bavi freestyle disciplinama i da imamo veliku sreću što nam pomaže hrvatski tim, pa nemamo troškova trenera, iako je on sam školovani trener koji je dobio licencu u Sloveniji. S obzirom na finansijska sredstva treniranje naših reprezentativaca sa hrvatskim timom je itekako velika pomoć. Kada je potrebno onda i Ismar prisustvuje treninzima a dosta je prisutan kada krene takmičarska sezona. Kada je u pitanju dječija reprezentacija ona ima dosta nepravilnosti u radu ali je ove godine inicijativu preuzeo Hasib Polimac te pronašao nekoliko novih djevojčica koje su na kraju sezone učestvovala i na FIS takmičenjima. Stefan Lazarević je privatno radio sa trenerom iz Kanade.

Milovan Jevtović je rekao da su ozbiljne optužbe navedene u izdvojenom mišljenju te da nije lako preći preko ovoga.

Ismar Biogradlić je predložio da se sve rješi na tematskoj sjednici.

Đelal Hasečić je rekao da je neminovna podjeljenost u komisiji što dosta rezultira nedovoljnom masovnosti. Predlaže da se izvještaj usvoji a da je neophodno da se rješe problemi snowboarda na tematskoj sjednici, što teba za osnovni cilj da ima razvoj snowboarda i masovnost istog.

Ismar Biogradlić je rekao da je snb FreeStyle pravio i snowboard škole gdje je prošlo preko 30 učesnika ali da na kraju većina odustane jer kada im se objasni o kakvom sportu se radi jednostavno se samo povuku i kažu da je njima škola sasvim dovoljna jer se radi o ekstremnom sportu.

Nakon kraće rasprave jednoglasno je usvojen izvještaj snowboard komisije kao i prijedlog da se problemi komisije rješe na tematskoj sjednici.

Na kraju ove tačke dnevnog reda Hasečić je naglasio prema zaključcima da se posebno napomenu rezultati koji su ostvareni jer imamo zaista što spomenuti.

Ad. 7.

Jasmin Mehić se prvi javio za riječ. Smatra da izvještaj treba pojednostaviti i da treba drugačije navesti prihode s obzirom da se promjenio i sistem finansiranja. Jako su velike razlike po stavkama a na kraju se ustvari sve poklapa.

Dojčinović je rekla da je izvještaj pravila prema planiranim stavkama pa su iste i navedene iako po istim stavkama nisu ostvareni prihodi, te da su navedena dodatna pojašnjenja.

Nakon kraće rasprave i prijedloga Dojčinović je predložila da se prihodi prikažu po dvije osnovne tačke FIS i IBU a u podtačkama da se navedu razne osnove kako bi bilo preglednije i svima vrlo jasnije.

Hasečić je naglasio da je ostvareno više prihoda nego što je planirano, iako je većina toga bilo protočno i namjenski dobijeno te namjenski i utrošeno.

Miro Đukić smatra da kod ski trčanja troškove SES trke treba prebaciti u troškove kancelarije kako ski trčanje ne bi bilo u minusu. Usvojen prijedlog da se ova stavka izdvoji u druge troškove.

Jasmin Mehić je predložio da se razdvoje planirane aktivnosti od neplaniranih kao i kod prihoda razdvojiti planirani od neplaniranih prihoda.

Jasmin Mehić je rekao da se vidi da ovaj izvještaj kao i plan za sljedeću godinu nisu pravljani ispred finansijske struke te je predložio da se izdvoje dodatna sredstva kako bi se našla stručna osoba koja bi nam pomogla da se napravi drugačiji izvještaj kao i finansijski plan za naredni period.

Dojčinović smatra da ako bi se pravio izvještaj kao i finansijski plan po knjigovodstvenim pravilima ne bi bio pogotovo onda jasan mnogim članovima skupštine tj. svim onim koji se u to ne razumije. Većina članova UO se sa tim složila.

Jasmin Mehić je rekao da se on ne može složiti sa ovakvom formom izvještaja jer je teško pratiti finansijski tok odnosno ne želi da neko pogrešno tumači ovaj izvještaj.

Hasečić je rekao da je ovakav izvještaj i do sada zadovoljavao potrebe Skupštine kao i da mnogi prave ovakve izvještaje, kao npr. Olimpijski komitet BiH.

Miro Đukić je rekao da možemo doraditi ovaj izvještaj kako bi zadovoljio formu koja će biti mnogo jasnija.

Radenko Pekić je predložio da se izvještaj doradi a da sa kao i do sada odredi ko će od članova UO obrazložiti materijal na Skupštini.

Zdravko Lasica je postavio pitanje ko će odgovarati za probijanje budžeta za biatlon koji je viši od 30.000 KM.

Dojčinović je rekla da je Skupština na prethodnoj sjednici usvojila da UO može da raspolaže finansijskim sredstvima odnosno može odobriti probijanje budžeta ukoliko se ostvare veći prihodi.

Jasmin Mehić je rekao da je teško pratiti izvještaj na ovoliko stranica odnosno da je teško tražiti pojašnjenja stavke sa prve stranice na 18. stranici. Jednostavno izvještaj nije pregledan.

Hasečić je predložio da prihodi i rashodi budu na jednoj stranici a da onda idu rashodi po segmentima i pojašnjenja.

Hasečić je rekao da je ova kritika Mehića vrlo korektna i da to veoma cijeni i da je to put da dođemo do što boljeg dokumenta.

Hasečić

Nakon duže rasprave zaključeno je da prihodi i rashodi su u redu i jednoglasno je usvojeno da se forma izvještaja promjeni po prijedlozima i dostavi UO na pregled a zatim da se uvrsti kao materijal za Skupštinu.

Ad.8.

Dojčinović je rekla da trenutno nema izvještaj Nadzornog odbora jer je današnju sjednicu odgodio Predsjednik Nadzornog odbora zbog vanrednih obaveza. Svakako će izvještaj biti završen u narednih nekoliko dana.

Ad. 9.

Dojčinović je rekla da nemamo planove i programe svih komisija jer se smatralo da će biti održane tematske sjednice do Skupštine, ali kako to neće biti slučaj komisije će dostaviti svoje planove i programe u narednom periodu kako bi materijal za Skupštinu bio spreman.

Hasečić je predložio da se raspravlja prvo o finansijskom planu. Prijedlog plana je umanjen za nekih 50.000 KM zbog promjene sistema finansiranja FIS-e i umanjenja sredstava.

Dojčinović je rekla da je teško napraviti detaljan plan jer ne znamo ishode tematskih sjednica. Isto pitanje je postavio i Radenko Pekić šta ćemo uraditi ako usvojimo jedan finansijski plan i to Skupština usvoji a mi zatim donesemo neke promjene na tematskim sjednicama.

Hasečić je rekao da je Skupština i dosada davalo pravo UO da napravi izmjene u budžetu za svrhu boljeg raspoređivanja sredstava.

Također je rekao da plan treba napraviti u sličnoj formi kao i izvještaj gdje će se tačno vidjeti prihodi od FIS-e i IBU i podtačkama po kojim osnovama.

Na kraju kraće rasprave jednoglasno su usvojeni prihodi finansijskog plana.

Zatim je krenula rasprava po rashodima. Usvojeni su rashodi za kancelariju Saveza i za kombi vozila.

Ismar Biogradlić je predložio da probamo ponovo stari kombi zamjeniti za novi ukoliko imamo te mogućnosti. Dojčinović je rekla da trenutno nemamo sredstava za to.

Sportovi:

Dojčinović je još jednom napomenula da je teško napraviti bilo kakav plan bez planova komisija i da je budžet za sportove upravo rasprava za ovo mjesto, odnosno da se ovdje odredi budžet za sportove i da se dostavi komisijama da po tom budžetu naprave plan i program.

Jasmin Mehić je predložio da se stavka oprema spoji sa sportovima, te postavio pitanje da li se isplati dati 30.000 KM snowboardu koji ima jednog takmičenja dok na drugoj strani imamo preko 10 perspektivnih takmičara.

Mario Laikert je također rekao da to nema logike, ali i da nije u redu ni sa ski trčanjem jer alpsko skijanje ima najbolje rezultate. Zdravko Lasica je rekao da alpsko skijanje nema bolje rezultate.

Mehić je zatim rekao da je teško na ovakav način porediti sportove.

Đelal Hasečić je rekao da mi imamo kriterije odnosno akt prema kojem je napravljena proporcionalna raspodjela sredstava prema sportovima. Dojčinović je rekla da takav akt ne postoji. Zdravko Lasica je rekao da je to samo jednom napravljeno i važno je samo za jednu godinu. To je potvrdio i Miro Đukić.

Dojčinović je rekla da nije ni radila kada se o tome raspravljalo ali vrlo dobro zna da takav akt ne postoji.

Miro Đukić je rekao da jedino što se dogovorilo prije dvije godine je da sport koji donosi na osnovu svjetskih prvenstava i dobije najviše.

Zdravko Lasica je rekao da ski trčanje treba imati približno isti budgežt kao i alpsko skijanje.

Hasečić je predložio da se definitivno stavka opreme briše i da se sredstva spoje sa sredstvima sporta.

Jasmin Mehić je postavio pitanje koja dva sporta imaju iste takmičare. To su ski trčanje i biatlon i povlače sredstava isti takmičari iz dva sporta, a često se preklapaju.

Jasmin Mehić je rekao da bi on volio da se ski trčanje i dalje razvija pa i na kraju i da Igman zaživi pa nije za to da se smanjuje ski trčanju. Isto tako je rekao da će zahtjevati od snowboarda da se pojedina sredstva ulože u omasovljenje sporta. Jasmin Mehić predlaže da alpsko skijanje dobije budžet veći barem za 10% od ski trčanja.

Radenko Pekić je predložio da se alpskom skijanju vrata iznosi koji su bili prethodnih godina i zamolio prisutne da se urazume i da napravimo budžet.

Mario Laikert je predložio da se snowboardu i ski trčanju smanji po 10.000 KM i da se to prebaci alpskom skijanju.

Nakon duže rasprave koji sportovi su razvijeniji, ko ima većih rezultata i konstatacija da biatlon i ski trčanje imaju iste takmičare Miro Đukić je predložio sljedeću raspodjelu sredstava ali je posebno naglasio da je to samo za ovu godinu:

- Alpsko skijanje 120.000 KM
- Ski trčanje 85.000 KM
- Snowboard 20.000 KM
- Biatlon 121.000 KM

Ismar Biogradlić je rekao da je to 8% budžeta i da je to zaista malo sredstava za snowboard. Postavio je pitanje da li se Savez bavi masovnošću ili reprezentacijama. Ostali članovi UO su se složili sa tim da ne može masovnost biti prioritet Saveza. Dojčinović je predložila da se napravi kompromis i da im se da još 5.000 KM i to na način da se 2.000 KM skine ski trčanju i 3.000 KM alpskom skijanju.

Jasmin Mehić je rekao da je to pošteno ali je naglasio da je veoma bitno da se ne zaboravi finansiranje takmičara za EYOF 2019. godine.

Prema novom prijedlogu jendoglasno je usvojen sljedeći budžet po sportovima:

- Alpsko skijanje 117.000 KM
- Ski trčanje 83.000 KM
- Snowboard 25.000 KM
- Biatlon 121.000 KM

Hasečić je rekao da komisije trebaju prema ovome da naprave plan i program u skladu sa tematskim sjednicama.

U materijalu za skupštinu u finansijskom planu će se navesti samo stavke po sportovima, a nakon tematskih sjednica će se detaljno razrađivati finansijski plan i program po sportovima. Alpska komisija i komisija za ski trčanje su dužni dostaviti planove i programe rada sportova u naredna tri dana koji će ići prema Skupštini.

Jednoglasno su usvojeni svi zaključci.

Ad. 10.

Hasečić je zamolio da se dogovorimo oko tematskih sjednica i prijedlozima termina ali sa nekim materijalima. Ismar Biogradlić je rekao da je Snowboard komisija već načelno dogovorila oko materijala ali da se nisu mogli dogovoriti oko raspodjele budžeta koji je sada još i umanjen jer nije mogao da pristane na to da takmičari koji ne ulažu jednako ni vrijeme ni novac mogu dobiti isto finansijskih sredstava. Sa tim su se složili i ostali članovi UO da to nije u redu.

Jasmin Mehić je predložio da se tematska sjednica za alpsko skijanje održi 14.06.2017. godine i da se ne može ići na kasniji termin jer se pripremna sezona već počela. Mehić je također predložio da tematska sjednica ide u smjeru prezentacije šta i kako raditi a da UO onda samo glasa za ili protiv uz dodatne korekcije. Također je rekao da tematska sjednica ne bi trebala da traje duže od jednog sata po sportu.

Kada je u pitanju biatlon Zdravko Lasica je rekao da komisija za biatlon i nije baš zainteresovana za održavanje tematske sjednice iako je Dojčinović predložila određene tačke po kojima se treba voditi za pripremu materijala.

Hasečić je rekao da je neophodno da se riješi pitanje preklapanja ski trčanja i biatlon.

Nakon kraće rasprave predloženo je da se tematska sjednica održi po svim sportovima 14.06.2017. godine uz prethodno dostavljeni materijal. Ukoliko neko ne bude spreman neće se razmatrati i reagovat će UO.

Ad.11.

Prije nego što se krenulo sa tačkom 11. Hasečić je zaboravio da trebamo vidjeti o podršci takmičarima jer smo to imali u planu. Većina ih je bilo za to da se to odgodi jer je svakako taj planirani budžet za ovu stavku već ušao za narednu godinu. Mario Laikert i Milovan Jvetović se ne slažu sa tim da to treba ostaviti za naredni period jer su novac i donijeli takmičari. Jasmin mehić je rekao da se ne slaže sa tim da takmičari donose novac u Savez i da je puno potrebnije da se sad podrži već usvojeni budžet koji je prijeko potreban sportovima za sporovđenje kvalitetnijih planova i programa.

Zaključeno je da se će se o nagradi najboljim sportistima raspravljati naknadno kada budemo imali neplaniranih rashoda te da će se do tada napraviti i pravilnik o nagrađivanju najuspješnijih sportista.

Zatim je Hasečić prešao na tačku 11 raspisivanje konkursa za trenera u alpskom skijanju. Mehić Jasmin je rekao da je neophodno što prije raspisati konkurs jer moramo znati koliko će se ljudi javiti i kojeg kvaliteta kako bi mogli zatim odlučiti koliko trenera ćemo primiti i za koje reprezentacije.

Radenko Pekić je rekao da se raspiše konkurs bez ograničenja da ima završen fakultet a da ostane da ima 3 godine iskustva i da ostane otvoren 15 dana.

Dojčinović je rekla da prema Zakonu o sportu trener mora imati određenu stručnu spremu i to VSS i VŠS. Zaključeno je da i to treba da bude uslov za prijavu na konkurs.

Nakon kraće rasprave jednoglasno je usvojeno da se raspiše konkurs za dva trenera sa opštim i posebnim uslovima, a to su stručna sprema VSS ili VŠS, poznavanje engleskog jezika, iskustvo 3 godine, te da prilikom prijave kandidati dostave svoje planove i programe i prijedlog rasporeda timova. Konkurs se postavlja na web stranici i šalje se savezima u regiji.

Ad. 12.

Pod tačkom razno:

- Problem registracije takmičarke Anasasije Vojnović odnosno da li će se bodovati ili ne. Dojčinović je rekla da ona nema dvojni registraciju jer ima ispisnicu iz kluba iz Srbije. Gospodin Milovan Jevtović se poziva na član pravilnika gdje stoji da se takmičar ne može registrovati ukoliko je ikada bila član drugog kluba što nije logično i što smatra da je to greška u pravilniku koju treba izmjeniti.
Svi osim Milovana Jevtović smatraju da to nije logično i da je to greška u pravilniku.
Nakon kraće rasprave sa 8 glasova za jednim protiv (Milovan Jevtović) usvojeno je da registracija takmičarke Anasatsija Vojnović uredna i da se takmiačrka treba bodovati uz zaključak da se pravilnik o prelascima i registraciji izmjeni.
- EYOF 2019 – priprema takmičara
Dojčinović je rekla da je pripremila projekat o pripremi sportista sa kojim je potrebno pokušati pronaći dodatna sredstva.
Jasmin Mehić je rekao da je potrebno inicirati sastanak Saveza sa EYOF 2019 uz napomenu da EYOF 2019 firma nema ništa sa pripremom takmičara. Također je predložio da se u budžetima koji su dodjeljeni sportovima odrede određena finansijska

sredstava koja će biti namjenski za pripremu sportista za EYOF 2019. Jednoglasno je usvojeno da komisije u svojim planovima i programima uvrste stavku pripreme takičara za nastup na EYOF- 2019 i za to odrede finansijska sredstva.

Sjednica je završena u 21.45 sati.

Originalni materijali sa sjednice Upravnog odbora Ski saveza BiH prilažu se primjerku Zapisnika koji se odlaže u arhivu Ski saveza BiH.

Sarajevo,
11.05.2017.

Zapisnik vodila
Jelena Dojčinović

Predsjednik
Đelal Hasečić